



Pou Piblikasyon Imedya: 02/03/2023

GOUVÈNÈ KATHY HOCHUL

**GOUVÈNÈ HOCHUL ANKOURAJE NOUYÒKÈ YO POU PREPARE POU TANPÈT
IVÈNAL KI PREVWA POTE CHIT NÈJ SINIFIKATIF NAN REJYON NÒ ETA
WIKENN SA A**

Yo prevwa jiska yon pye nèj nan kèk pati nan Rejyon Kapital, Mohawk Valley ak rejyon North Country, ak kantite pi wo lokalman, vandredi aswè jiska samdi aswè

Rivaj Sid Lak Ontario ka resevwa jiska uit pouz nèj jiska samdi; lòt pati nan Eta a kapab resevwa twa a sis pouz nèj, melanj lapli ak/oswa lapli glase

Rafal van atravè eta a konbine avèk gwo nèj ak melanj glase ogmante chans pou vwayaj danjere vandredi ak samdi

Gouvènè Kathy Hochul jodi a te ankouraje Nouyòkè yo pou yo prepare pou yon lòt sistèm tanpèt ivnal ki pral gen anpil chans pote nèj, presipitasyon melanje ak gwo van apati vandredi swa e ap kontinye jiska samdi apremidi. Anpil pati nan rejyon Kapital la, Mohawk Valley ak North Country kapab wè jiska yon pye nèj, pandan kominate ki sou rivaj sid Lak Ontario yo ka resevwa jiska uit pouz. Lòt pati nan eta a ta ka wè twa a sis pouz nèj ak van nan 52 km pa èdtan. Nan kèk zòn, nèj ka melanje ak grezil ak/oswa lapli glase, sa ki ka diminye kantite nèj, men ki toujou ka lakòz kondisyon vwayaj difisil. Gouvènè Hochul te ankouraje Nouyòkè yo pou yo siveye previzyon metewolojik lokal yo, pou yo pran anpil prekosyon si yo ap vwayaje nan rejyon ki afekte yo.

"Sezon ivè a poco fini nan New York paske yo prevwa nèj, grezil, lapli glase ak gwo van kapab enpakte pifò pati nan eta wikenn sa a", **Gouvènè Hochul te deklare**. "Ajans eta yo ap prepare resous pou repos pou ijans, epi nou pare pou ede gouvènman lokal yo si sa nesesè. Si w dwe vwayaje nan wikenn sa a, fè anpil atansyon sou previzyon metewolojik lokal ou a epi bay tèt ou plis tan pou w rive nan destinasyon w an sekirite."

Komisè Divizyon Sekirite Teritwa ak Sèvis pou Ijans Eta New York la, Jackie Bray, te deklare, "Yon tanpèt ivènal nan kòmansman mwa mas ki gen potansyèl pou gwo nèj ak yon melanj ivè ki frèt, pral fè vwayaj difisil vandredi swa nan zòn ki afekte yo. Nèj sa a pral lou ak imid, sa ki pral fè li difisil pou retire ak yon pèl oswa chari. Tanpri pran anpil prekosyon wikenn sa a si w sou wout la."

Yo te pibliye Avètisman kont Tanpèt Ivènal pou Rejyon Kapital la, North Country ak rejon Mohawk Valley apati vandredi apremidi jiska samdi aswè. Yo ka bay lòt Avètisman, Siveyans ak Konsèy pou evènman metewolojik sa a ki nan tout eta a. Pou ou kapab jwenn yon lis konplè sou avètisman meteyowolojik yo nan zòn ou an, vizite [sit entènèt](#) Sèvis Metewolojik Nasional zòn ou an.

Preparasyon Ajans

Divizyon Sekirite Teritwa ak Sèvis pou Ijans yo (Division of Homeland Security and Emergency Services)

Divizyon an ap siveye aktivman previzyon metewolojik la epi kowòdone repons Eta a ak evènman move tan an. Anplwaye Biwo Jesyon Ijans yo an kontak ak lokalite yo epi yo prepare pou fasilité demann pou asistans nan men gouvènman lokal yo epi deplwaye resous ki soti nan rezèv Eta a, si sa nesesè.

Depatman Sèvis Piblik

Sèvis piblik New York yo genyen apeprè 6,125 travayè disponib nan tout eta a ki angaje nan evalyasyon domaj, efò entèvansyon, reparasyon ak restorasyon kab pou evènman move tan ivènal semèn sa a. Sa gen ladann yon lòt 125 travayè liy ak pye bwa ekstèn ki garanti pa National Grid ak yon lòt 500 travayè liy ak pye bwa ekstèn ki garanti pa NYSEG/RG&E. Pèsonèl DPS la pral swiv travay sèvis piblik yo pandan tout evènman an epi asire sèvis piblik yo voye anplwaye apwopriye yo nan rejon ki gen pi gwo enpak yo.

Si yo entèwont sèvis ou a, vizit [sit entènèt](#) Entèripsyon Sèvis Piblik DPS la pou jwenn konsèy.

Depatman Transpò (Department of Transportation)

Depatman Transpò Eta a prepare pou l reponn a tanpèt ivènal sa ki gen plizyè enpak sou tout eta a avèk 3,614 sipèvizè ak operatè yo. Ekip reyonal yo angaje yo kounye a nan efò entèvansyon kont nèj ak glas ak aktivite preparasyon yo. Tout lokal rezidansyèl yo pral kontinye gen anplwaye sou plas pou yo ka fonksyone 24/24, 7/7 pandan tout dire evènman an ak operasyon netwayaj priorité yo.

Pou sipòte aktivite kont nèj ak glas nan zòn enpòtan yo, yo te deplwaye 25 operatè ki soti Long Island nan Rejyon Mid-Hudson lan. Yo pral re-evalye bezwen pou plis resous jan kondisyon yo mande pandan tout dire evènman an.

Yo deplwaye tout ekipman ki disponib pou nèj ak vèglas. Flòt Mekanik nan zòn ki afekte yo ap gen anplwaye nan tout lye rezidans prensipal yo 24/7 pou fè reparasyon epi mentni kamyon yo sou wout la. Kantite ekipman ki genyen nan tout Eta a repati konsa:

- 1596 gwo kamyon chasnèj
- 154 chasnèj mwayer
- 50 remòk chasnèj
- 340 gwo chajè

- 36 aparèy pou soufle nèj

Pou jwenn enfòmasyon sou sikilasyon an tan reyèl, otomobilis yo dwe rele 511 oswa vizite www.511NY.org oswa sit mobil la nan m.511ny.org, sous enfòmasyon sou vwayaj ak sikilasyon ofisyèl Eta New York la.

Otorite Thruway

Anplwaye Otorite Thruway yo ap siveye previzyon metewo yo epi yo pare pou entèvni avèk 680 sipèvizè ak operatè ki disponib. Kantite ekipman ak resous ki genyen nan tout eta a repati konsa:

- 355 kamyon chasnèj pwa lou ak pwa mwayen
- 11 remòk chasnèj
- 67 gwo chajè
- Plis pase 114,000 tòn sèl disponib

Yo itilize Pano pou Mesaj Varyab ak rezo sosyal yo pou avèti otomobilis yo sou kondisyon move tan ivè pandan yo sou Thruway la.

Otorite Thruway yo ankouraje otomobilis yo telechaje [aplikasyon mobil](#) li an, ki disponib gratis sou aparèy iPhone ak Android yo. Aplikasyon an bay otomobilis yo aksè dirèk ak enfòmasyon sou sikilasyon an nan tan reyèl, kamera sikilasyon yo nan tan reyèl, ansanm avèk asistans pou navigasyon pandan yo sou wout. Otomobilis yo ka enskri tou pou yo resevwa [imèl TRANSalert](#) k ap bay dènye enfòmasyon sou kondisyon sikilasyon sou Thruway a.

Lapolis Eta

Lapolis Eta a pral siveye kondisyon yo epi li pral bay patwouy siplemantè nan zòn ki afekte anpil nan tanpèt la. Tout veyikil touteren yo ak veyikil espesyalize yo, ki gen ladan Veyikil Touteren Sèvis Piblik ak motonèj yo, ap an sèvis.

Konsèy sekirite

Vwayaj

- Men kèk nan konsèy ki pi enpòtan pou woule ansekirite:
- Pa kondui, sof si sa nesesè.
- Pran prekosyon sou pon yo paske li ka fè glas la pi vit pase sou wout yo.
- Si ou dwe vwayaje, asire ou ke otomobil ou gen materyèl pou siviv tankou lenn, yon pèl, flash ak pil anplis, rad cho anplis, yon pè chèn pou kawotchou, kab boustè pou batri, manje ki bay enèji rapid ak rad ki gen koulè klere pou sèvi kòm drapo detrès.
- Si ou gen telefòn selilè oswa lòt aparèy komunikasyon tankou yon wòki tòki disponib pou ou sèvi, kenbe batri a chaje epi kenbe I avè ou tout lè ou ap vwayaje. Si ou ta vin bloke, ou ap kapab rele pou mande èd, enfòme sekouris yo sou kote ou ye.

- Prensipal kòz lanmò ak blesi pandan tanpèt ivè se aksidan transpò. Anvan ou chita dèyè volan, pa bliye retire glas ak nèj ki sou machin ou an; bon vizyon se sekrè kondui byen. Planifye arè ou yo epi kite plis distans ant machin yo. Pote plis atansyon epi sonje pil nèj yo ka maske timoun ki pi piti yo. Toujou koresponn vitès ou selon kondisyon wout la epi selon meteyowolojik.
- Li enpòtan pou chofè ki sou tout wout yo konnen vitès chasnèj yo se 56 kilomèt alè, sa ki nan anpil ka pi ba pase limit vitès ki make a, pou yo ka garanti sèl yo simen an rete nan vwa sikilasyon yo epi pa dispèse andeyò wout yo. Anpil fwa sou otowout ant eta yo, chasnèj yo opere kòtakòt, kòm se fason ki pi efikas epi ki ofri plis garanti pou netwaye plizyè vwa yon sèl kou.
- Chofè machin ak pyeton dwe sonje chofè chasnèj yo ka wè devan yo sou yon distans limite, epi gwo sè ak pwa chasnèj yo ka fè l difisil pou manevre epi frennen touswit. Nèj chasnèj la ap soufle dèyè li ka diminye vizibilite anpil oubyen kreye yon vwal blan. Chofè machin yo pa ta dwe eseye double chasnèj yo, ni swiv yo twò pre. Kote ki gen plis sekirite pou chofè machin yo woule se lwen dèyè chasnèj yo, kote wout la klè epi gen sèl sou li. Pa janm eseye pase sou yon chasnèj pandan l ap fonksyone.

Blakawout yo

- Tcheke konpayi sèvis publik ou a pou ou ka konnen orè reparasyon nan zòn nan.
- Etènn oswa deploge limyè ak aparèy menaje pou ou ka evite yon sichaj kouran lè yo repare sèvis la: kite yon limyè limen pou endike lè yo te retabli kouran.
- Si chalè a ale pandan yon tanpèt ivènal, kenbe kay la cho lè w fèmen chanm ou pa bezwen yo.
- Pou rapòte yon blakawout, rele:
 - Central Hudson: 800-527-2714
 - Con Edison: 800-752-6633
 - National Grid: 800-867-5222
 - NYSEG: 800-572-1131
 - O&R: 877-434-4100
 - PSEG-LI: 800-490-0075
 - RG&E: 800-743-1701

Sekirite pou Chofaj

- Sèvi ak sous chalè altènatif ki an sekirite sèlman tankou yon chemine, ti recho a bwa oswa a chabon ki byen ayere oswa aparèy chofaj pòtab.
- Toujou Swiv enstwiksyon fabrikan yo.
- Lè w ap itilize sous chalè altènatif tankou yon chemine, recho a bwa, elatriye, toujou asire w ke ou gen bon vantilasyon.
- Kenbe rido, sèvyèt ak manchon pwoteksyon yo lwen sifas cho.
- Gen yon ekstenktè ak detektè lafimen epi asire w yo fonksyone.
- Si w itilize aparèy chofaj ki mache ak kewozèn pou konplete gaz chofaj regilye w la, oswa kòm yon sous chalè ijans, swiv konsèy sekirite sa yo:

- Swiv enstwiksyon fabrikan yo.
- Sèvi ak gaz ki kòrèk la sèlman pou inite w la.
- Remete konbistib deyò sèlman epi lè inite a frèt sèlman.
- Kenbe aparèy chofaj nan yon distans omwen twa pye ak mèb yo lòt eleman konbistib yo.
- Lè w ap itilize aparèy chofaj la, sèvi ak pwoteksyon kont dife epi vantile byen.

Pou plis konsèy sekirite sou lvè a, vizite <https://dhses.ny.gov/safety>. Pou tout bezwen sèvis ki pa ijans anvan, pandan oswa apre yon tanpèt nan Eta New York, rele 211 oswa vizite 211nys.org.

Enfòmasyon sou Divizyon Sekirite Teritwa ak Sèvis pou Ijans

Divizyon Sekirite Teritwa ak Sèvis pou Ijans yo ofri direksyon, kowòdonasyon ak soutyen pou anpeche, pwoteje kont, prepare pou, reponn a, rekipere apre, epi diminye katastwòf ak lòt ijans. Pou w jwenn plis enfòmasyon, vizite DHSES sou [Facebook](#), sou [Twitter](#) oswa vizite dhses.ny.gov.

###

Lòt nouvèl disponib sou sit www.governor.ny.gov
Eta New York | Chann Egzekitif | press.office@exec.ny.gov | 518.474.8418

[ANILE ENSKRIPSYON OU](#)